



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Quomodo etiam exacto Seuero, Paulum pro illo induxerit, paulo verò post  
Euphrasius Antiochenæ sedi præficitur. Caput IIII.

**urn:nbn:de:hbz:466:1-12718**



dum maximè viderentur idonei. Iustinus autem siue quòd  
populum largitione suam planè reddidit, siue quòd excu-  
bitorum benevolentiam pecunia sibi cõciliauit (vtrumque  
enim memoratur) imperio ipse potitus est. Ac statim post,  
Amantium & Theocritum cum alijs nonnullis è medio  
sustulit.

*Vid. Cas.  
in vit. Iu-  
stini.*

*Quòd dolo Vitalianum Iustinus interemit.*

*Caput III.*

Vitalianum verò vitam in Thracia degentem, qui Ana-  
stasium imperio exturbare moliebatur, Iustinus Con-  
stantinopolim accersit. Nam & potentiam eius extir-  
pauit, & ancipitem fortunam, quæ in bellis cerni solet, &  
nominis eius celebritatem, quæ in omnium ore fuit, & im-  
perij, qua flagrabat, cupiditatem. Ac cum coniectura pro-  
spiceret, idque sane verissimè, se nõ alia ratione eum posse  
vincere, nisi amicitiam erga eum simularet. Vultu mire ad  
fraudem composito, quæ facile deprehendi non posset, v-  
num ex ducum numero, qui Præsentes vocantur, eum de-  
signat. Et quò magis persuaderetur Vitaliano, & facilior  
aditus ad fraudem pateret, ad consulatus quoque hono-  
rem effert. Qui Consul factus, cum in palatio versaretur,  
in porta quadam post aulam posita, per dolum cæsus occu-  
bit: hæcque pœnas pro sceleribus, quæ tam inconsydera-  
tè contra imperium Romanum consciuerat, persoluit. At  
verò ista gesta fuere postea.

*Vid. Cas.  
in vit. Iu-  
stini.*

*Quomodo etiam exacto Seuero, Paulum pro illo  
induxerit, paulò verò post Euphrasius Antio-  
chena sedi præficitur.*

*Caput IIII.*

Seuerus, qui antistes Antiochiæ, vti supra commemora-  
tum est, ordinatus fuit, quoniam concilio Chalcedo-  
nensi in dies singulos anathema indicere non destitit,  
& maximè in litteris, quæ *ἰν ὁμοῖς σινδι*, id est, quæ de episco-  
pis in sede episcopali collocandis scriptæ sunt, & in alijs,  
quas ad istarum defensionem composuit, quasque, licet ad  
omnes miserit patriarchas, solus tamen Ioannes Alexan-  
driæ antistes, Ioannis alterius successor, Dioscorus & Ti-  
mothe-



motheus, receperunt (quæ literæ etiam ad nostram ætatem  
 reservata sunt) & quoniam etiam hinc in ecclesia multæ  
 contentiones ortæ sunt, & populus in varias factiones  
 diuisus, Seuerus inquam idcirco mandato Iustini, primo  
 regni sui anno, prehensus, pœnas dat, lingua, vt nonnulli  
 prædicant, abscissa: quod negocium datum fuit Irenæo, qui  
 magistratum quendam Antiochiæ in Oriente id tempo-  
 ris administravit. Confirmat quoque Seuerus ipse suppli-  
 cij ei irrogandi negocium Irenæo commissum, in literis  
 quas scribit ad Antiochenos, modumque fugæ suæ expo-  
 nit: in quibus quoque Irenæum grauissimis vexat con-  
 uicijs, eumque diligentissimè obseruasse ait, ne Antiochia  
 euolaret. Sunt qui dicunt Vitalianum (ad id enim tempo-  
 ris videbatur maximè & autoritate & gratia apud Iusti-  
 num valere) linguam Seueri ideo postulasse, quòd Seuerus  
 in suis concionibus probra & contumelias in eum iecerat.  
 Ex sua verò episcopali sede fugit, Gorpiazæ mense, quem  
 Latini Septembrem vocant, anno quingentesimo sexage-  
 simo septimo post nomen vrbis Antiochiæ impositum.  
 In cuius sedem successit Paulus, cui dabatur mandatum,  
 vti concilium Chalcedonense palam prædicaret. Qui  
 sua sponte decedens Antiochia certo iam vitæ cursu con-  
 fecto, commune vniuersæ carnis iter ingreditur. Cuius  
 episcopatus sedem Euphrasius Hierosolymis Antiochiam  
 profectus, capessit.

*De incendijs & terremotibus apud Antiochiam,  
 quo tempore Euphrasius ruinarum congesta  
 obrutus interiit. Caput V.*

**E**isdem temporibus, regnante Iustino, grauiora crebra-  
 que incendia Antiochiæ contigerunt, velut prænuntia  
 terræmotuū maximè horribilium in ea ciuitate statim  
 inscutorum, & aliarum etiam calamitatum præmia. Nè  
 breui tempore post, anno septimo regni eiusdem Iustini,  
 mense decimo, Artemisio videlicet, id est Maio, quarto  
 Calend. Iunij, die veneris, in ipsa meridie, conqvas-  
 satio & terræmotus urbem occupant, parumq; aberat, quin  
 totā penitus euertissent: quæ duo sequebatur incēdiū quasi  
 cala-